



**Placcaert vande Staten generael vande gheunieerde
Nederlanden, byden welcken, midts den redenen in't langhe
in't selfde begrepen, men verclaert den coninck van
Spaegnien vervallen vande overheyt ende heerschappije van
dese voors. Nederlanden ...**

<https://hdl.handle.net/1874/261494>

Bibliotheca

A. VAN DER LINDE.

Nº. 236.

1581
F.M. 236

D 236
PLACCAERT

Vlaende Statē generael vande ghevnierde Nederlanden:

BYDEN WELCKEN, MIDTS
DEN REDENEN INT LANGE INT SELFDE
begrepen, men verclaert den Coninck van Spaen
nien vervallen vande Ouerheyt ende Heerschappije
van dese voors. Nederlanden,
ende verbiet sijnen naem ende zegel
inde selue Landen meer
te ghebruycken, &c.

SCRVTA- MINI.



TOT LEYDEN,

Op Charles Silvius' ghesworen Drucker der
Staten s'landts van Hollandt.

M. D. LXXXI.

Met privilegie voor tuvee iaren.

PLACCAERT VANDE
STATEN GENERAEL VANDE
ghevnieerde Nederlanden, Bijden vvelcken, mits
den redenen in't langhe in't selfde begrepen, men
verclaert den Coninck van Spaegnien vervallen
vande Ouerheit en heerschappije van dese voors.
Nederlanden : ende verbiet sijnen naem ende ze-
gel inde selue Landen meer te gebruycken, &c.

E Staten generael vande ghe-
vnieerde Nederlanden / Allen den ghe-
nen die dese teghenwoordige sullen sien
oste hooren lesen / salupt. Also een pege-
lick kennelick is / dat een Prince vande
Lande van Gode ghestelt is hoofst ouer syne ondersa-
ten / om de selue te bewaren en beschermen van alle on-
ghelyck / ouerlast en ghewelt / ghelyck een Herder tot
bewaernisse van syne Schapen : En dat d'ondersaten
niet en zijn van Gode gheschapen tot behoef vanden
Prince / om hem in alles wat hy beveelt / weder het god-
delic oft ongoddelick / recht oft onrecht is / onderdanich
te wesen / en als slauen te dienen : maer den Prince om
d'ondersaten wille / sonder de welcke hy egheen Prince
en is / om de selue met recht en redene te regeeren / ende
voor te staen / en lief te hebben als een vader syne kin-
deren / en een herder syne schapen / die sijn lijf en leuen
sett om de selue te bewaren. En so wanneer hy sulcks
niet en doet / maer in stede van syne ondersaten te be-
schermen / de selue soect te verdrucken / t'ouerlasten / heu-
re oude vrijheit / privilegien / en oude hercomen te bene-
men / en heuc te gebieden ende gebrupcken als slauen /
Al ij moet

moet gehouden worden niet als Prince / maer als een
Tyran / ende voorz sulcks nae recht ende redene mach-
ten minsten van sijn ondersaten / besondere by delibe-
ratio vande Staten vanden Lande / voor egeen Prince
meer bekent / maer verlaten / ende een ander in sijn stede
tot beschermenis van henlieden / voor ouerhoofd / son-
der misbruycken / gecosen werde : Te meer / so wanneer
d' ondersaten met ootmoedighe verthooninghe niet en
hebben heuren voorsz Prince connen vermoeren / noch
van sijn tyrannich opset gekeeren / ende also egeen an-
der middel en hebben om heure ephene / heurer hups-
brouwen / kinderen / ende naecomelingen aengeboren
vrijheit (daer sy na de Wet der natueren goet en bloet
schuldich zijn voor op te setten) te bewaren en bescher-
men / gelijck tot diuersche repsen wt ghelycke oorsaken
in diuersche Landen / ende tot diuersche tijden geschiet /
en d' exemplen genoech bekent zijn : Twelck principa-
lick in dese voorsz Landen behoort plaets te hebben /
en stadt te gripen / die van allen tijden sijn gheweert
geweest / en hebben oock moeten geregeert worden na-
volgende den erdt by heure Princen t' heuren aencom-
gedaen / na wt wijsen heurer priuilegien / costumen / en
ouden hertomen : hebbende oock meest alle de voorsz
Landen haren Prince ontfangen op conditië / contrac-
ten / ende accoorden / die welcke brekende / oock nae
rechti den Prince vande heerschappije vanden Lande
is verwallen. Nu ist also / dat den Coninck van Spa-
guien / naer het overlijden van hooger memorie Kypser
Kaele de vijfde / van wien hy alle dese Nederlanden
ontfangen hadde / vergetende de diensten die soo sijn
Heer vader / als hy / van dese Landen ende ondersaten
der seluer hadden ontfangen / deur de welcke besonde-
re de Coninck van Spaegnien soo losseliche victorien
tegens

tegens sijne vbanden vercregen hadde / dat sijnē naem
ende macht alle de werelt deure daer deur vernacut en
ontsien wert : vergetende oock de vermaninghe die de
voorsz Kypserlike Majestept hem t' anderen tijden ter
contrarien hadde gedaen / heeft dien vanden Raede van
Spaegnien neffens hem welsende (die deur dien sy in
dese Landen en vermochten egheen beuel te hebben te
gouuerneren / oft de principale Staten te bedienen / ge-
lijck sy inde Coninckrycken van Naples / Sicilien / tot
Milanen / in Indien / ende ander plaetsen onder des
Conincks gewelt welsende / deden / kennende den mee-
stendeel van hen den rijkdom ende macht der seluer /
hadden eenen niet tegens dese voorsz Landen / ende de
vrijheit der seluer / in hen herte genomen) gehoor ende
geloof gegeuen / den welcken Raedt van Spaegnien /
oft eenighe van de principale van dien / den voorsz Co-
ninck tot diuersche repsen voor ooghen gehouden heb-
ben / dat voor sijn reputatie ende Majestept beter was /
dese voorsz Landen van nieuws te conquesteren / om
daer ouer vrijelick ende absolutelick te mogen benele /
(t' welck is tyranniseren nae sijn belieft) dan onder al-
sulcken conditien ende restrictien (als hy hadde in't
ouernemen vande heerschappije vande selue Landen
moeten sweeren) die te regeeren. Welcke volgende den
Coninck / zedert alle middelen gesocht heeft dese voorsz
Landē te brengē wt heure oude vrijheit in een slauer-
nijc onder t' gouernement vande Spaegnaerden : heb-
bede eerst / onder t' decrel vāde Religie / willē inde prin-
cipaelste en machtichste Siedē stellē nieuwe Bisshop-
pen / de selue begiftende en doterēde met toevoeginge en
incorporatiorie vander ijckste Abdijen / ende hen bysetten-
de neghen Canonicken / die souden wesen van sijnen
Raedt / waer af de drie souden besonderen last hebben

A ij ouer

ouer d'Inquisitie: door de welcke incorporatie de selue
Bisschoppen (die souden mogen geweest hebben so wel
vreemdelingen als ingeborene) souden hebben gehade
d'eerste plaelsen ende vopsen inde vergaderinge vande
Staten vande voorſz Landen/ ende geweest sijne crea-
tueren/ staende tot sijnen beuele ende deuotie: En deur
de voorſz toeghevoeghde Canonicken de Spaensche
Inquisitie inghebrocht / de welcke in dese Landen al-
rijc so schickelick ende odieus / als de witerste slauer-
nije selue/ geweest is / so een peggelyck is kennelick: So
dat de voorſz Keyselickke Majestept de selfde t' anderien
tijden den Landen voorgeslaghen hebbende / deur die
Remonstrantie diemē aen sijne Majestept daer tegens-
gedaen heeft (thoonende d' affectie die hy sijne ondersa-
ten was toedragende) die heeft laten varen: Maer niet
tegenstaende diuersche remonstrantien / so by particu-
liere steden ende Prouincien/ als oock van eenige prin-
cipale Heeren vanden Lande / namentlick den Heere
van Montigny/ende den Graue van Egmont/ tot die
eynde by consentie vande Hertoghinne van Parma/
doen ter tijdt Regente ouer de selue Landen/ by aduisse
vanden Rade van State ende generaliteit nae Spaeg-
nien tot distincke repsen gesonden/ mondelinghe ghe-
daen: ende dat oock den voorſz Coninck van Spaeg-
nien de selue mondelinge goede hope hadde gegeuen
van/ naebolghende hen versoeck / daer inne te versien/
heeft ter contrarien coets daer naer by brieven scherpe-
lick beuolen de voorſz Bisschoppen/ op sijn indignatie/
terftont t' ontfanghen / ende te stellen inde possesse van
heure Bisdommen/ ende geincorporeerde Abdijen: de
Inquisitie te wercke te stellen daerse te vooren was / en
d' ordonnantie van het Concilie van Trenten (die in
vele poincten contrarieerden de priuilegiē vande voorſz
Landen)

Landen) t' achtervolgen: Twelck gecomen zijnde ter
ooren vande gemeynte / heeft met redenen oorsake ge-
geuen van een groote beroerte onder haer/ ende eenen
afstreck vande goede affectie die sy als goede ondersaten
den voorſz Coninck van Spaegnien ende sijne voor-
saten altijdt toegedraghen hadden/ besonder aenmer-
kende dat hy niet alleenlick en lochte te tyramiseren
ouer hunne persoonen ende goet/ maer oock ouer heure
conscientien/ waer van sy verstanden niemand/ dan aen
Godt alleene/ ghehouden te wesen rekeninhe te genen
oft te verantwoorden: Waer deur/ ende wt medelijden
vande voorſz gemeynte / de principaelste vanden Adel
vanden Lande hebben inden iare 1566 sekter Remon-
strantie ouergheheuen / versoeckende dat/ om de ghe-
meynte te stillen / ende alle oproer te verhoeden / sijne
Majestept soude de voorſz poincten/ ende besonder no-
pende de rigoureuse ondersoeckinghe ende straffe ouer
de Religie willen versoeten/ daer inne thoonende de
liefde ende affectie die hy tot sijne ondersaten/ als een
goedertieren Prince was draghende. Ende om t' selfde
al naerder ende met meerder autoritept den voorſz
Coninck van Spaegnien te kennen te gheuen/ ende te
verthoonen hoe nootelick het was voor het Lants wel-
varen/ ende om t' selfde te houden in ruste / sulcke nieu-
wicheeden af te doen/ ende het rigeur vande contrauen-
tie vanden Placcate op de saken vander Religien ghe-
maect/ te versoeten/ ter begeerte vande voorſz Gouver-
nante/ Rade van State/ ende vande Staten generael
van alle de Landen/ als Gesanten zyn nae Spaegnē
gheschickt gheweest den Marchgraue van Berghen/
ende den voorſz Heere van Montigny: in stede van de
welcke ghehoor te gheuen/ ende te versiene op de incon-
uenienten diemen voor ghehouden hadde (die mits het
wilsel

westel van daer inne in tijds te remedieren so den noot
wi heysche / alreede onder de ghenepute meest in alle
de Landen begonst waren hent openbaren) heeft deur
opzijpen vanden voorsz Spaenschen Raedt / de perso-
nen de voorsz Remonstrantie ghedaen hebbende / doen
verclaren rebel / ende schuldich van het crpm van Lcsæ
Majestatis / ende also strafbaer in lijsende goet: Hebben-
de daer en bouen de voorsz Heeren Ghelanten namaels
(meynende dese voorsz Landen deur t' gewelt vanden
Hertogh van Alue gheheelick ghebrocht te hebben on-
der sijn subjectie ende tyrannie) teghens alle ghemeyne
rechten / ooc onder de wreedste ende tyrannichste Prin-
ten altijt ouverbrekelyk onderhouden / doen vanghen/
dooden / ende heure goeden confisqueren. Ende al wast
alsoo dat meest de veroerte in dese voorsz Landen deur
toedoen vande voorsz Regente ende heire adherenten
in't voorsz jaer 1566 opghestaen / was gheslist / en vele
die de vrishert des Lants vooßonden / verjaeght / ende
vandere verdruct ende t' onder ghebrocht / soo dat den
Cominck egheen oorsake ter werlt meer en hadde / om
de voorsz Landen met gheweldt ende wapenen t' over-
vallen: nochtang om sulcken oorsake die den voorsep-
den Spaenschen Raedt langhen tijdt ghesocht ende
verwacht hadde (soo openlick de opghehouden ende
ghaintcipieerde brieven van den Ambassadeur van
Spaegnien Alana / in Vranckrijck wesende / aen de
Hertoginne van Parma doen ter tijdt gheschreuen /
dat wtwijsden) om te niete te moghen doen alle des
Lants priuilegien / dat nae heuren wille by Spaes-
gnaerden tyrannichlick te moghen gouuerneren / als
de Indien / en nieuwte gheconquesteerde Landen / heeft
deur ingheuen ende raeft vande selue Spaegnaerden/
(thoonende de cleynne affectie die hy sijnen goeden on-
derslagen

derslagen was toedraghende / contrarie van t'ghene hy-
eur / als heire Prince / beschermer / ende goet herder
schuldich was te doen) nae dese Landen / om de selue
t' overvallen / geschiet met groote heycracht den Her-
togh van Alua / vermaert van strafheyt ende crudeli-
teyt / een vande principale vanden vande selue Lan-
den / verselschapt / om als Raden neffens hem te wesen/
met personen van ghelycke natuere ende humeuren.
Ende al wast soo dat hy hier inde Landen sonder slach
oft stoot is ghecomen / ende met alle reuerentie ende eere
is onfanghen vande arme inghesetene / die niet en ver-
wachten dan alle goedertierenheyt ende clementie / ge-
lijck den Cominck hen dickt wils met sijne brieuen ghe-
bevnsdelick hadde toeghesept: Iae dat hy selfs van
meypninghe was te comen in perioone / om in als tot
ghenoeghe van eenen peghelycken ordre te stellen; heb-
bende oock ten tijden van het vertreck van den Herto-
ghe van Alue nae dese Landen een vloete van Schepen
in Spaegnien / om hem te voeren / ende een in Zeeland
om hem teghens te comen / tot grooten excessiuen coste
vanden Lande doen toe-reeden / om sijne voorsz onder-
satent abuseren / ende te heter in't niet te brengen; Heeft
met temin den voorsz Hertoghe van Alue terstont naer
sijn compste / wesende een vreemdelinck / ende niet van
den bloede hant den voorsz Cominck / verclaert ghehade
commissie van den Cominck te hebben van opperste
Capiteyn / ende cors daer naer van Gouverneur ge-
nerael vanden Lande / teghens de priuilegien ende ou-
de hercomen desselfs. Ende openbarende genoech sijn
voornemen / heeft terstont de principale Steden ende
Sloten met volcke beset / Castelen ende sterckten inde
principaelste ende machtichste Steden / om die te hou-
den in subjectie / opgherecht: de principaelste Heeren/
Ridders

onder t' decksel van heuren raet van doen te hebben / en
te willen emploveren inden dienst vanden Lande / wt
last vanden Coninck vriendelick ontboden : die hem
ghehoor gheghuen hebben doen vanghen / teghens de
privilegien wt Brabant / daerse ghevanghen waren /
ghevoert / voor hem seluen (niet wesende heuren com-
petenten rechter) doen betichten : ten lesten / sonder hen
volcomelick te hoorzen / ter door veroordeelt / ende open-
baerlick ende schandelick doen dooden : D'andere / be-
ter kennisse vande ghebeystept der Spaegnaerden
hebbende / hun wten Lande houdende / vercleert ver-
heurt te hebben lijf en goet / voor sulcks hun goet aen-
veert / en gheconfisqueert / om dat de voorsz arme inge-
setene hun niet en souden / t ware met heure stercten / oft
Princen die heure vrijhept souden moghen voorstaen /
connen oft moghen teghens / t spaus gewelt behelpen:
Behaluens noch ontallickie andere Edelmans en tref-
selickie Borghers / die hy soo om den hals gebracht / als
verjaeght heeft / om henne goeden te confisqueren. De
reste vande goede ingesetene (bouen den ouerlast die sy
in heur wijs / kinderen en goeden ledien / deur gemeyne
Spaensche soldaten t heuren hulpe in garnisoen lig-
gende / trabaillerende met so vele duuersche schattinge /
soo mits heur bedwingende tot gheldinghe tot de bou-
winghe vande nieuwe Casteelen en fortificatie van de
Steden tot heure epghen verdrukkinghe / als niet op-
brengen van honderste / twintichste / ende thiende pen-
ninge / tot betalinge vanden Crichslieden / so by hen
mede ghebracht / als die hy hier te Lande oplichte / om
t emploveren tegens heur mede Lancaten / en de gene
die het Landts vrijhept niet perijkel van heuren liue
auentuerden voor te staene / op dat de voorsz ondersatien
veracint wesende egeen middel ter werelt en soudre ouer-
blyuen

blyuen om sijn voornemen te beletten / ende d'instructie
hem in Spaegniën gheghuen / van het landt te tracte-
ren als van nieuws geconquesteert / te beter te volbrzen-
ghen. Tot welcken eynde hy oock begonst heeft inde
principale plaetsen d'ordre van Justicie nae de manie-
re van Spaegniën (directelick teghens die privilegien
vanden Lande) te veranderen / nieuwe Raden te stel-
len / ende ten lesten wesende bryten alle vreese / soo hem
dochte / eenen thienden penninck fortselick willen op-
rechten op de coopmanschappen ende handwercken /
tot gantsche bederffenis vanden Lande / gheheelick
op de voorsz coopmanschap ende handwercken staen-
de / niet tegenstaende menichfuldighe remonstrantien
hy elck landt in't particulier / en oock hy allegader in't
generael hem ter contrarien ghedaen; t'welck hy oock
met gewelt soude volbracht hebben / t'en ware geweest
dat deur toedoen van mijnen Heers den Prince van
Orangien / ende diuersche Edelmans / ende andere goe-
de ingheborene / bijden voorsz Hertogh van Alue wten
Lande ghebannen / sijne Vorst. G. volgende / en meest
in haren dienst wesende / ende andere ingesetene wel
gheaffectioneerde tot de vrijhept van het voorsz Va-
derlandt / Hollandt ende Zeelandt corts daer naer niet
meest en hadde hem afgewallen / en hun begheuen on-
der de bescherminghe vanden voorsz Heere Prince / te-
ghens de welcke twee Landen / den voorsz Hertoghe
van Alue duerende sijn gouernement / ende daer naer
den grooten Commandeur / (die naer den voorsz Her-
togh van Alue / niet om te verbeteren / maer om den
seluen voet van tyrannie by bedecter middelen te ver-
volgen / den voorsz Coninc van Spaegniën hier te lan-
de gheschickt hadde) hebben d'andere landen / die sy met
heure garnisoenen en opgerechte Casteelen hielen inde

Bij Spaen

Spaensche subjectie / bedwongen om heure personen
en alle heure macht te gebruycken om die te helpē tot
derbrenghen / dies niet meer de selue landen die sy tot
heure assistentie als vooren/employeerde verschouenens
de / dan oft se heur selfs vanden waren geweest: laten
de de Spaegnaerden / onder t decksel van gemutineert
te sijne / ten aensien vanden grooten Commandeur in
de stadt van Antwerpen gheweldichlick comen / daer
ses weken lanck tot laste vande Borgheren nae hemme
discretie teren / ende daerenhouen tot betalinghe van
heure gelijpschre soldije / die selue Borgheren bedwin-
ghende binnien middelen tijden (om van het gheweelt
vande selue Spaegnaerden ontslaghen te wesen) vier
hondert dysent guldene op te brenghen / hebbende
daer naer de voorz Spaensche soldaten/ meerder stou-
tichept ghebruyckende / hen vervoordert de wapenen
openbaerlick tegens het landt aen te nemen / meynen-
de eerst de stadt van Brusselle inne te nemen / ende in
stedte van d'ordinarie residentie van den Prince van
den Lande / daer wessende aldaer haren roosnest te hou-
den / t welck haer niet geluckende / hebben de stadt van
Maastricht ouerweldicht / daer naer de stadt van Maestricht /
ende de voorz stadt van Antwerpen gheweldichlick
ouervallen / ghesacageert / ghepilleert / ghemoort / ghe-
brandt / ende soo ghetracteert / dat de tyrannichste ende
crueelste vanden Lande niet meer oft argher
en souden connen ghedoен / tot onwsprekelicke schade
niet alleenlick vande arme ingesetene / maer oock van
meest van allen de Nationen vander wereldt / die aldaer
hadden haer cooppmanschap ende ghelyc. Ende niet te-
genstaends dat de voorz Spaegnaerden bijden Rade
van State (byden welcken doen ter tijdt / mits de doot
vanden voorz groote Commandeur geschiet / het gou-

uerne-

b6a6
uerneiment vande Lande / wt laste ende commissie van
den voorz Coninck van Spaegni en aenbeert / ten sp
zijne van Hieronymo de Rhoda / om heur overlast foet-
se ende gheweelt t welck sy deden / verclaert ende gecon-
dicht waren voor vanden Lande / heeft den
seluen Rhoda wt sijne autoritept (oft / soot te presu-
meren is / wt crachte van seker secrete Instructie die hy
van Spaegni hebben mochte) aengenomen hooft te
wesen vande voorz Spaegnaerden ende heure adhe-
renten: ende (sonder aensien vanden voorz Raedt van
Staten) te ghebruycken den naem ende autoritept
vanden Coninck / te contrefeyten sijnen zeghel / hem
openbaerlick te dragen als Gouverneur en Lieutenant
vanden Coninck: waer deur de Staten zijn geoorsaect
gheweest ten seluen tijde met mynen voorz Heere den
Prince / en de Staten van Hollant en Zeelant t' accor-
deren: welck accoordt byden voorz Raede van State /
als wettighe Gouverneurs vanden lande / is geappro-
beert en goet gevonden geweest / om gelijckerhant ende
eendrachtelick de Spaegnaerden des gemeynē landes
vanden / te moghen aenvechten / en wt den lande ver-
drinnen: niet latende nochtans / als goede ondersaten/
binnen middelen tijden by diuersche ootmoediche re-
monstrancien neffens den voorz Coninck van Spae-
gnien / met alder vliet / en alle bequame middelen mo-
ghelick wessende / te vervolghen en bidden dat den Co-
ninck / ooge ende regardt nemende op de troublen ende
inconvenienten dier alreede in dese Landen gheschiede
waren / ende noch apparentelick stonden te geschieden/
soude willen de Spaegnaerden doen vertrecken wt
Lande / en straffen de ghene die oorsake gheweest had-
den van het saccageren en bederven van sijne principa-
le steden / en andere onwsprekelicke overlasten die sijne

B ij arms

arme ondersaten geleden hadden/ tot een vertroostinge
vande ghene dien t' overcomen was/ en tot een exempl
van andere: Maer den Coninck/ al was't dat hy met
woorden hem gheliet of t' tegens sijnen dancke en wille
t' selfde geschiedt was/ en dat hy van meyninge was te
straffen de hoofden daer af/ ende voortane op de ruste
vanden Lande met alle goedertiertheyt (als een Prince
toebehoort) te willen ordre stellen/ heeft nochtans niet
alleenlick egheen Justicie oft straffe ouer de selue doen
doen/ maer ter contrarien ghenoegh metter daet blijc
kende/ dat met sijnen consente en voorgaenden Raede
van Spaegnien al gheschiedt was/ is by opgehouden
brieven corts daer naer beuonden/ dat aen Kodas ende
andere Capitainen (oorsake van t' voorz quaet) byden
Coninck selue geschreuen wordt/ dat hy niet alleenlick
heur fept goet vont/ maer heur daer af prees/ en beloef
de te recompenseren/ besondere den voorz Roda/ als
hem gedaen hebbende eenen sonderlingen dienst/ ghe
liick hy hem oock tot sijnder wedercoemste in Spaeg
nien/ ende alle andere (sijne dienaers vande voorz ty
rannie in dese Landen geweest hebbende) metter daet
heeft bewesen. Heeft oock ten seluen tijde (meynende
des te meer d' ooghen vande ondersaten te verblinden)
den Coninck in dese Landen ghesonden voor Gouver
neur sijnen bastaert broeder Don Johan van Oisten
riek/ als wesenende van sijnen bloede/ die welcke onder
t' deksel van goet te vindien ende t' approberen d' accord
tot Gent gemaect/ het toesegghen vande Staten voor
te stane/ de Spaegnaerden te doen vertrecken/ en d' au
teurs van de ghewelden ende desordren in dese voorz
Landen gheschiedt te doen straffen/ en ordre op de ghe
meyne ruste vanden Lande ende heur oude vrijheit te
stellen/ sochte de voorz Staten te schepden/ ende d' een
lande

landt voor d' ander naer t' onder te brenghen/ soo corts
daer naer door de ghehenghenisse Gods (byant van
alle typrannie) ontdeckt is door opghehouden en gheim
tercipieerde brieven/ daer by bleek dat hy vanden Co
ninck last hadde om hem te reguleren nae de Instructie
ende bescheet dat hem Koda soude geuen/ tot meerder
gheuepntheyt verbiedende datse malcanderen niet en
souden sien oft spreken/ ende dat hy hem soude neffens
de principale Heeren minlick dragen/ en de selue win
nen/ totter tijdt toe dat hy deur heure middel ende as
sistente soude moghen Hollant ende Zeeland in sijn
ghewelt trugen/ om dan voorts mette anderen te doen
nae sijnen wille. Gelijck oock Don Johan/ niet tegen
staende hy de pacificatie van Gendt/ en seker accoorde
tusschen hem ende de Staten van alle de Landen doen
ghemaect/ hadde solempnelick in presentie van alle de
voorz Staten beloest ende besworen t' onderhouden/
contrarie van dien alle middel sochte om de Duytsche
soldaten/ die doen ter tijdt alle de principaelste stercken
ende steden hadden in bewaernisse/ deur middel van
henne Colonellen/ die hy hadde tot sijnen wille ende
denotie/ met groote beloftien te winnen/ ende so de selue
stercken ende steden te trugen in sijn gewelt/ gelijck hy
den meestendeel alreede gewonnen hadde/ en de plaat
sen hiel voor hem toeghedaen/ om deur dien middel de
ghene die hen t' soeken souden willen maken/ om den
voorz Heer Prince/ ende die van Hollant ende Zeeland
oorloghe te helpen aendoen/ seytelick daer toe te be
dwinghen/ ende also een straffer ende cruelder inland
sche oorloghe te verwecken/ dan opt te vooren hadde
gheweest: Welck (gheliick t' ghene dat gheuepntheyt
ende tegens de meyninghe wtwendichlick gehan
delt wordt/ niet langhe en can bedect blijuen) wtbre
kende

kende eer hy volcomelick sijne intentie gheeffectueert
hadde/ heeft t' selue nae sijn voornemē niet connen vol-
brenghen/ maer nochtans een nieuwe oorloghe in stede
van vrede (daer hy hem t' sinne coemste af vanteerde)
verweet/ noch gegenwoordelick duerende. Alle t' welck
ons meer dan ghenoech wettighe oorsake gheghenē
Heeft ons den Coninck van Spaegnien te verlaten/ en
de een ander machtich ende goedertieren Prince/ om
de voorsz Landen te helpen beschermen ende voor te
staene te versoecken/ Te meer dat in alsulcken desordre
ende ouerlast de Landen bat dan twintich iaren van
heuren Coninck zijn verlaten gheweest/ ende ghetrac-
teert niet als onderlaten/ maer als vpanden/ heur soec-
kende heur epghen Heer met cracht van wapenen on-
der te brenghene: Hebbende oock naer de alyuichept
van Don Johan deur den Baron van Selle/ onder
t' decksel van eenighe bequame middelen van accorde
voor te houdene/ genoech verclaert de Pacificatie van
Gendt/ die Don Johan wt sijnen naem besworen had-
de/ niet te willen aduoperen/ ende alsoo daghelicks
swaerder conditien voorgheslaghen. Dien niet tegen-
staende hebben niet willen laten bp schriftelike ende
ootmoedighe Remonstrantien/ met intercessie van de
principaelste Princen van Kerstenrijck sonder ophou-
den te versoecken met den voorsz Coninck te reconcilie-
ren ende accorderen: hebbende oock festmael lange tijdt
onse Ghelanten ghehad tot Colen/ hopende aldaer/
deur tusschen spreken van de Kepserlike Majesteyt/
ende de Keurvorsten die daer mede ghemocht waren/
te verrijghen eenen versekerten peps/ met eenige gra-
celike vrijhept/ besondere vander Religie (de consciens-
tie ende Godt principalick raeckende) maer hebben bp
experientie gevonden/ dat wp met de selue Remon-
strantien

frantien ende handelingen niet en consten per vanden
Coninck verweruen/ maer dat de selue handelinghen
ende communicatien alleenlick voorgheschaghen wer-
den ende dienden om de Landen onderlinghe twistich
te maken/ ende te doen scheypden d'een vanden ande-
ren/ om des te ghevoechelicker d'een voorz ende d' ander
naer onder te brenghen/ ende heur eerste voornemen nu
met alder rigeur tegens haer te wercke te stellen: t' wele
naederhandt wel openbaerlick ghebleken is hy seker
Placcaet van proscriptie byden Coninck laten wergaen/
byden welcken wp ende alle de Officieren ende Inge-
setene van de voorsz ghevneerde Landen/ ende heure
partije volghende (om ons tot meerder desperatie te
brenghen/ alomme odieus te makene/ de traffique en
handelinghe te belettene) verclaert worden voorz res-
belle/ ende als sulcks verbeurt te hebben lijf ende goet:
Settende daer en bouen op het lijf vanden voorsz Heer
Prince groote sommen van penninghen: soo dat gant-
schelick van alle middele van reconciliatie wanhopen-
de/ ende oock van alle andere remedie ende secours ver-
laten wesende/ hebben/ volgende de wet der natueren/
tot beschermenisse ende bewaernisse van onsen ende de
anderen Landtsaten rechten/ priuilegien/ oude herco-
men ende vrijheden van ons Vaderlant/ van het leuen
ende eere van onse hups vrouwen/ kinderen/ ende naco-
melinghen/ op datse niet en souden ballen in de slauer-
nije van de Spaegnaerden/ verlatende niet rechte den
Coninck van Spaegnien/ andere middelen bedwon-
ghen gheweest voor te wenden/ die wp tot onse meeste
versekeringhe/ bewaernisse van onse rechten/ priuile-
gien/ ende vrijheden voorsz hebben teraede gevonden.
D O E N T E W E T E N E, dat wp t' ghene voorsz
ouerghemerkt/ ende dooz den wtersten noot/ als voore/

C ghe-

ghedronghen zijnde / by ghemeynenaccoorde / delibera-
tie ende ouerdraghe / den Coninck van Spaegnien
verclaert hebbent / ende verclarren midts desen / ipso iure
vervallen van syne Heerschappije / ghorechtichept / en
erstenuisse van de voorsz Landen / ende voortacne van
egheene mynninghe te zyne den seluen te kennen in
eenighe saken den Prince / syne Hoochtept / Jurisdicctie /
ende Domeynen van dese voorsz Landen raeckende /
sijnen naem als Ouerheer meer te ghebruycken / oft by
pemanden coelaten ghebruyct te worden Verclarende
oock dien volghende alle Officiers / Justiciers / Smale
Heeren / Bassalen / ende alle andere Inghesetene van-
den voorsz Lande / van wat conditie oft qualiteyt die
zijn / voortacne ontslaghen vanden eede die sy den Co-
ninck van Spaegnien / als Heere van dese voorsz Lan-
den gheweest hebbende / moghen eenichsins ghedaen
hebben / oft in hem ghehouden wesen. Ende gemerckt
wt oorsaken voorsz den meestendeel vande gewuierde
Landen / by gemeynenaccoorde en consentie van heire
Leden / hebbē hun begenē gehadt onder de Heerschap-
pije en Gouernement vanden doorluchtigen Prince
den Hertogh van Anjou / op seker conditien en poinctē
met syne Hoochtept aengegaen en gesloten: dat oock de
doorluchtichept vanden Eertzhercoghe Matthias het
Gouernement generael vanden Lande in onse handen
heeft gheresigneert / ende by ons is gheaccepteert ghe-
weest / Ordonnaeren ende beuelen allen Justiciers / Of-
ficiers / ende andere die t selfde eenichsins aengaen ende
raken mach / dat sy voortacne den naem / titel / groote
ende cleynē zeghelen / contrezeghelen / ende cachetten
vanden Coninck van Spaegnien verlaten / ende niet
meer en ghebruycken: Ende dat in plaatse van dien so
lange de Hoochheit vanden voorsz Hertogh van Anjou /

om

om nooteliche affairen het welvaren van dese voorsz
Landen rakende / noch van hier absint is / (voor so vele
den Landen met de Hoochtept vanden voorsz Hertogh
van Anjou ghecontracteert hebbende aengaet) ende
andersins d' andere by maniere van voorraet ende pro-
uisie sullen aennemen ende gebruiken den titel ende
naem van t Hooft ende Lantraet: Ende middeler tyde
dat t selfde Hooft ende Raeden volcomelick ende daade-
lick ghenoemt / beschreuen / ende in oeffeninge van hena-
nen staet ghetreden sullen zijn / onsen voorsz name. Wel
verstaende datmen in Hollandt ende Zeelandt sal / als
hier voormaels / gebruiken den naem vanden hooghe-
ghebooren Vorst den Prince van Orangien / ende de
Staten vande selue Landen / totter tydt toe den voorsz
Landtraet datelick sal ingestelt wesen / ende sullen hun
alsdan reguleren achtervolgende de consenten by hun-
lieden opde Instructie vanden Lantraet ende contract
met syne Hoochtept aenghegaen. Ende in plaatse van
des voorsz Conincks zegelen / men voortacne gebruyc-
ken sal onsen grooten zegel / contrezeghel / ende cachette-
ten / in saecken raeckende de ghemeyne regeringhe /
daer toe den Landtraet volghende heire Instructie sal
gheauthoriseert wesen: maer in saecken rakende poli-
cie / administratie van Justicie / ende andere particulie-
re in elck landt besondere / sal ghebruyct worden byde
Provinciale ende andere Raden den naem ende titel
ende zeghel vanden Lande respectivelick daer t selfde
valt te doen / sonder ander: al op de pene van nulliteyt
bande briuen / bescheeden oft depeschien / die contrarie
van t ghene voorsz is / ghedaen oft ghezeghelt sullen
wesen. Ende tot beter ende sekerder volcominghe ende
effectuatie van t ghene voorsz is / hebben geordonneere
ende beuelen / ordonnaeren ende beuelen mit desen / dat

Cij alle

alle des Conincks van Spaegniē zeghelen / in dese
voorsz ghevneerde Landen wesenende / terstant nae de
publicatie van desen / ghebrocht sullen moeten worden
in handen vande Staten van elcke vande voorsz Lan-
den respectueelick / oft den ghenen die daer toe bijde sel-
ve Staten specialick sullen wesen ghecommiteert ende
gheauthoriseert / op pene van arbitrale correctie. Or-
donneren ende beuelen daer en bouen / dat voortaene
in egheenderhande munte vande voorsz ghevneerde
Landen sal ghelaghen worden den naem / titele / ofte
wapenen van den voorsz Coninck van Spaegniē/
maer alsulcken lach ende forme als gheordonneert sal
worden tot eenen nieuwen gouden ende silueren pen-
nink met sijne ghedeelten. Ordonneren ende beuelen
insghelyks den President ende andere Heeren vanden
Secreten Raede / midsgaders alle andere Canseliers /
Presidenten / ende Heeren vande Raeden prouincial /
ende alle die Presidenten oft eerste Rekenmeesters ende
andere van allen de Rekencameren inde voorsz Lan-
den respectue wesenende / ende alle andere Officiers ende
Justiciers / dat sy (als heur voortaene ontslaghen hou-
dende vanden eedt die sy den Coninck van Spaegniē
hebben respectueelick naer luyt heurer commissien ghe-
daen) schuldich ende gehouden sullen wesen in han-
den vanden Staten s' landts daer onder sy respectue
resorteren / oft heure speciale ghecommiteerde / te doen
eenen nieuwen eedt daer mede sy ons sweren ghetrouw-
ichept teghens den Coninck van Spaegniē / ende
allen sijne aenhanghers / al naer volghende het formu-
laic daer op byde generale Staten gheraempt. Ende
salmen den voorsz Raeden / Justiciers ende Officiers
gheseten onder de Landen / niet de Hoochepht vanden
Hertogh van Anjou gecontracteert hebbende van on-
sent

sent weghen) gheuen acte van continuacie in hunne
Officien / ende dat by maniere van prouisie / totter aen-
compste toe van sijne voorsz Hoochepht / in plaeſe van
nieue commissien inhoudende cassatie van heure
voorgaende. Ende de voorsz Raeden / Justiciers ende
Officiers gheseten inden landen met sijne voorleypde
Hoochepht niet ghecontracteert hebbende / nieue com-
missien onder onsen naem ende zegele : t en ware noch-
tans dat d' impetranten van heure voorsz eerste com-
missien weder spraken / ende achterhaelt werden van
contrauentie der priuilegien des Landts / onbehooch-
epht oft ander diergelycke saecken. Ontbieden voorts
den President ende luyden vanden Secreten Raede /
Canselier vanden Hertogdomme van Brabant / mit-
gaders den Canseler vanden Furstdomme Gelre /
ende Graafschap Zutphen / President ende luyden
vanden Raede in Hollant / Rentmeesteren oft de Hoo-
ghe Officieren van Beoist ende Bewesterschelt van
Zeelandt / President ende Raede in Vrieslandt / den
Schoutet van Mechelen / President ende luyden van-
den Raede van Utrecht / ende allen anderen Justicie-
ren ende Officieren wien dat aengaen mach / heuren
Stedehouderen / ende eenen peghelycken van henlie-
den besondere soo hem toe behoozen sal / dat sy dese onse
Ordonnantie condighen ende wtroopen ouer alle den
bedrijue van heure Jurisdiccie / ende daermē is ghe-
woonlick publicatie ende wtroepinghe te doene / soo
dat niemand des cause van ignorantie pretenderen en
mach : Ende de selue Ordonnantie doen onderhouden
ende achtervolgen onverbrekelick / ende sonder infrac-
tie / daer toe rigoureuselick bedwinghende die ouertre-
ders inder manieren voorsz / sonder verdach oft dissi-
mulatie / Want wy tot welwaren vanden Lande also-

C iii hebben

L56293-W

hebben beuonden te behoozen. Ende van desse doene/
ende wes daer aen cleest/ gheuen wv v ende elcken van
v die t aengaen mach/ volcomen macht/ autoriteyt
ende sonderlingh heuel. Des t oorconde hebben wv on-
sen zeghel hier aen doen hanghen. Gheghuen in
onse Vergaderinghe in s' Grauen haghe/ den sessen
twintichsten July M. D. LXXXI.

Opde plijcke stont gheschreuen,

Ter ordonnantie vande voornoemde Staten.

Ende gheteeckent

J. van Asseliers.

